



Broj:02-30-1487-1/22  
Fojnica, 13.10.2022.godine

Na osnovu člana 21.Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj: 49/05), Odluke o potrebi prijema namještenika u radni odnos, broj:02-30-1487/22 od 12.10.2022 godine i člana 39.Statuta Općine Fojnica - Prečišćeni tekst („Službene novine Općine Fojnica, broj: 2/15), Općinski načelnik objavljuje

### INTERNI OGLAS

#### **o preuzimanju namještenika iz drugog organa državne službe u radni odnos na neodređeno vrijeme u Općinskom organu uprave Općine Fojnica**

Pravo prijavljivanja imaju svi namještenici iz organa državne službe svih nivoa vlasti u Federaciji Bosne i Hercegovine.

Interni oglas raspisuje se za radno mjesto:

**Viši referent za obnovu i komunalni redar u Službi za civilnu zaštitu i inspekcijski nadzor– jedan izvršilac na neodređeno vrijeme**

#### **Opis poslova:**

- organizuje ustrojavanje i ažuriranje evidencija o uništenoj imovini, procjeni štete i predlaganju obnove u funkciji povratka vlasnika te imovine,
- organizuje realizaciju projekata viših nivoa vlasti od značaja za održivi povratak.,
- vrši izradu odgovarajućih projekata u funkciji povratka raseljenih osoba i izbjeglica.,
- pruža stručnu i drugu pomoć za obnovu imovine i reintegraciju povratnika,
- vrši nadzor nad obimom i kvalitetom obnove stambenih jedinica povratnika,
- izrađuje odgovarajuće analize i izvještaje i druge materijale na zahtjev pretpostavljenog.,
- saraduje sa srodnim službama drugih općina, udruženjima povratnika i drugim vladinim i nevladinim organizacijama po pitanjima od značaja za povratak,
- popunjava prijave za dobrovoljni povratak, analitički ih obrađuje i arhivira,
- izdaje uvjerenja o realizovanim povratcima izbjeglim i raseljenim licima,
- predlaže i učestvuje u realizaciji projekata za pomoć povratnicima i pruža svaki drugi doprinos za reintegraciju povratnika,
- prikuplja i obrađuje određene podatke za utvrđivanje činjeničnog stanja na terenu o čemu sačinjava zapisnik, službene zabilješke, foto dokumentaciju, uzima predmete s javnih površina i druge dokaze koji mogu poslužiti za daljnji postupak vođenja inspekcijskog nadzora i izricanje prekršajnih naloga ili podnošenje prekršajne prijave;
- obavlja poslove kontrole provođenja komunalnog reda sukladno Odluci o komunalnom redu i drugim općinskim propisima iz komunalne oblasti i zaštite okoliša; pomaže građevinsko-komunalnom inspektor u vršenju inspekcijskog nadzora i izvršenju Rješenja; upozorava pismeno i usmeno pravne i fizičke osobe na ponašanje u skladu sa propisima i uputama građevinsko-komunalnog inspektora i drugih nadređenih; primjenjuje i kontrolira primjenu zakonskih propisa iz oblasti komunalne djelatnosti i zaštite okoliša,
- na terenu prikuplja i obrađuje određene podatke za utvrđivanje činjeničnog stanja; za daljnji postupaka vođenja inspekcijskog nadzora i izricanja prekršajnih naloga sačinjava zapisnik, službene zabilješke, foto dokumentaciju, uzima predmete sa javnih površina i dr., koji mogu poslužiti kao dokaz, utvđuje identitet lica, saslušava i uzima izjave;

- kontrolira pravilno odlaganje otpada i drugih otpadnih materijala na javnim i drugim površinama, protupravno postavljanje predmeta i napuštenih vozila na javnim površinama; obavještava šefove i inspektora o izvršenom uvidu nad: održavanjem, uređenjem, upotrebom i zaštiti komunalnih objekata i uređaja, održavanjem i zaštiti javnih površina i drvoreda;
- obrađuje zahtjeve za izdavanje saglasnosti za priključak na komunalnu infrastrukturu;
- prati parkiranje i ostavljanje vozila na zelenim javnim površinama, prati stanje lokalnih nekategorisanih cesta, održavanje septičkih i osočnih jama, odvoz kućnog otpada i drugog komunalnog otpada, kao i građevinskog otpadnog materijala, održavanje posuda (kontejnera) i uličnih korpi za otpad, održavanje javnih deponija, prati zauzimanje javnih površina za prodaju roba i prodaju robe van prostora ili mjesta određenog za prodaju te vrste robe;
- naplaćuje paušalne naknade za koje je ovlašten općinskim odlukama i obavlja i druge poslove u skladu sa Odlukom o komunalnom redu, pomaže građevinsko-komunalnom inspektoru u praćenju provedbe Programa zajedničke komunalne potrošnje (ZKP);
- vodi evidenciju o izvršenim pregledima na terenu i podnosi izvještaj o radu;
- obavlja i druge poslove koji se odnose na ovo radno mjesto, kao i druge poslove po nalogu pomoćnika načelnika, Općinskog načelnika, građevinskog i komunalnog inspektora.

Pored općih uslova propisanih članom 24. Zakona o namještenicima u organima državne službe u Federaciji Bosne i Hercegovine, kandidat treba ispunjavati i sljedeće posebne uslove i to : SSS-IV stepen školske spreme - završena gimnazija, upravna, ekonomska ili druga škola društvenog ili tehničkog smjera, položen stručni ispit, najmanje deset (10) mjeseci radnog staža, poznavanje rada na računaru.

Uz prijavu na Interni oglas dostaviti sljedeću dokumentaciju (original ili ovjerena kopija)

- kratka biografija
- diploma o završenoj školskoj spreml
- dokaz o položenom stručnom ispitu
- potvrda o radnom stažu
- dokaz o poznavanju rada na računaru
- dokaz (uvjerenje ili potvrda) da je kandidat u radnom odnosu na poslovima namještenika u organima državne službe
- uvjerenje o državljanstvu
- izvod iz matične knjige rođenih
- ovjerenu izjavu da u posljednje dvije godine od dana objavljivanja oglasa nije otpuštan iz organa državne službe kao rezultat disciplinske kazne na bilo kojem nivou vlasti u Federaciji Bosne i Hercegovine
- ovjerenu izjavu da kandidat nije obuhvaćen odredbom člana IX 1. Ustava Bosne i Hercegovine

Izabrani kandidat dužan je, prije preuzimanja dužnosti namještenika, dostaviti ljekarsko uvjerenje o općoj zdravstvenoj sposobnosti za obavljanje poslova radnog mjesta.

Rok za podnošenje prijava je 10 (deset) dana od dana objavljivanja u dnevnom listu „Oslobođenja“, a oglas će biti objavljen i na Web stranici i Oglasnoj tabli Općine Fojnica.

Prijave na Interni oglas, sa traženom dokumentacijom dostavljaju se preporučeno na adresu:

OPĆINA FOJNICA,

ulica Bosanska 94,

sa naznakom: „Za Komisiju za provođenje Internog oglasa za prijem namještenika u Općini Fojnica – NE OTVARATI“. ili šalteru Općine Fojnica.

Nepotpune i neblagovremene prijave kao i prijave kandidata koji ne ispunjavaju uslove iz Internog oglasa neće se uzeti u razmatranje. Općina Fojnica ima pravo da poništi Interni oglas u svakom trenutku provođenja postupka.



**OPĆINSKI NAČELNIK**

**Sabahudin Klisura, dipl. ing.**